



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

1 MEI 2021 (SABTU)



KERATAN AKHBAR DAN MEDIA ONLINE (KPDNHEP)

1 MEI 2021 (SABTU)

'Instafamous' tukar pengakuan dua kali di mahkamah

Kuala Lumpur: Seorang selebriti media sosial atau 'Instafamous' berdepan pertuduhan memiliki pelbagai barangan tiruan yang berjenama, termasuk beg Chanel dan baju Louis Vuitton, menukar pengakuan sebanyak dua kali di Mahkamah Sesiyen di sini, semalam.

Sebelum ini, Nur Ilyana Mohdada, 27, atau dikenali sebagai Illey mengaku tidak bersalah dan memohon dibicarakan ketika didakwa di mahkamah pada 8 April lalu.

Tertuduh bagaimanapun menukar pengakuan kepada bersalah sebaik sahaja pertuduhan terhadapnya disebut semula di hadapan Hakim Emelia Kaswati Mohamad Khalid, semalam.

Namun, sebaik sahaja fakta kes dibacakan terhadapnya, tertuduh sekali lagi menukar pengakuan kepada tidak bersalah.

Sehubungan itu, mahkamah menetapkan 31 Mei ini untuk sebutan semula kes dan melantik peguam.

Mengikut kertas pertuduhan, tertuduh didakwa mempunyai dalam milikan 31 helai baju, 13 pasang kasut, 16 beg, lima dompet dan seutas tali pinggang berjenama Chanel, Gucci, Balenciaga serta Louis Vuitton, iaitu cap dagangan berdaftar yang disenaraikan dengan salah mengikut Seksyen 100 Akta Cap Dagangan 2019 (Akta 815).

Tertuduh didakwa melakukan kesalahan itu di premis KL Run Away, Jalan Gombak, Kampung Sungai Merali, di sini, jam 12 tengah hari 24 Jun 2020.

Pendakwaan terhadapnya dibuat mengikut Seksyen 102(1)(c) akta sama, yang memperuntukkan hukuman penjara maksimum tiga tahun atau denda atau kedua-duanya, jika sabit kesalahan.

Sebelum ini, mahkamah membenarkan tertuduh diikat jamin RM10,000 dengan seorang penjamin.

Pendakwaan dikendalikan oleh Pegawai Pendakwa Kementerian Perdagangan Dalam Negeri dan Hal Ehwal Pengguna (KPDNHEP), M Jesuthasen Nair, manakala tertuduh tiada diwakili peguam.

Miliki produk jenama tiruan: Instafamous tukar pengakuan

Kuala Lumpur: Seorang *instafamous* wanita yang sebelum ini mengaku tidak bersalah atas pertuduhan memiliki pelbagai barangan tiruan antaranya beg Chanel, kasut Gucci dan baju Louis Vuitton bagi maksud perdagangan, sekali lagi menukar pengakuannya di Mahkamah Sesyen di sini, semalam.

Pada 8 April lalu, Nur Ilyana Mohtada, 27, atau lebih dikenali sebagai Illey, selaku orang kena saman (OKS) mengaku tidak bersalah dan memohon dibicarakan atas pertuduhan itu di Mahkamah Sesyen lain yang membenarkannya diikat jamin RM10,000 dengan seorang penjamin.

Semalam, Nur Ilyana menukar pengakuannya kepada bersalah sebaik pertuduhan dibacakan semula di hadapan Hakim Mahkamah Sesyen Emelia Kaswati Mohamad Khalid.

Bagaimanapun, selepas fakta kes dibacakan, Nur Ilyana sekali lagi menukar pengakuan kepada tidak

bersalah dan mahkamah menetapkan 31 Mei ini untuk sebutan semula kes serta lantikan peguam.

Nur Ilyana didakwa memiliki sebanyak 31 helai baju, 13 pasang kasut, 16 beg, lima dompet dan seutas tali pinggang berjenama Chanel, Gucci, Balenciaga dan Louis Vuitton dengan cap dagangan berdaftar yang disenaraikan dengan salah bagi maksud perdagangan.

Nur Ilyana didakwa melakukan kesalahan itu di sebuah premis di KL Runaway, Jalan Gombak, Kampung Sungai Merali di sini, pada jam 12 tengah hari, 24 Jun 2020 mengikut Seksyen 102(1)(c) Akta Cap Dagangan 2020.

Dia boleh dihukum mengikut Seksyen 102(1)(ii) akta sama yang memperuntukkan hukuman maksimum penjara tiga tahun atau denda RM10,000 bagi setiap barang yang dipakailah salah cap atau kedua-duanya, jika sabit kesalahan. - Bernama

Instafamous didakwa miliki barangan berjenama tiruan untuk jualan

KUALA LUMPUR - Seorang Instafamous wanita yang sebelum ini mengaku tidak bersalah atas pertuduhan memiliki pelbagai barangan tiruan bagi maksud perdagangan sekali lagi menukar pengakuannya di Mahkamah Sesyen di sini pada Jumaat.

Pada 8 April lepas, Nur Ilyana Mohtada, 27, atau lebih dikenali sebagai Illey, selaku Orang Kena Saman (OKS) mengaku tidak bersalah dan memohon dibicarakan atas pertuduhan itu di Mahkamah Sesyen lain yang membenarkannya diikat jamin RM10,000 dengan seorang penjamin.

Pada Jumaat, OKS menukar pengakuannya kepada bersalah sebaik pertuduhan dibacakan semula di hadapan Hakim Mahkamah Sesyen, Emelia Kaswati Mohamad Khalid.

Bagaimanapun, selepas fakta kes dibacakan wanita itu sekali lagi menukar pengakuan kepada tidak bersalah dan mahkamah menetapkan 31 Mei untuk sebutan semula kes serta lantikan peguam.

Nur Ilyana didakwa memiliki 31 helai baju, 13 pasang kasut, 16 beg, lima dompet dan seutas tali pinggang berjenama Chanel, Gucci, Balenciaga dan Louis Vuitton dengan cap dagangan berdaftar yang disenaraikan dengan salah bagi maksud perdagangan. - *Bernama*

Senarai Harga Barang Keperluan	
• Ayam	RM5.99
• Daging Lembu Tempatan	RM34
• Daging Lembu Import	RM24
• Telur Gred A	RM10.20
• Ikan Kembung	RM8.90
• Minyak Masak	RM5.90
• Gula Pasir	RM2.85
• Bawang Besar Holland	RM2.90
• Bawang Putih	RM4.99
• Cili Merah	RM5.99
• Kubis Bulat Tempatan	RM2.50
• Tepung Gandum	RM2.09

*Harga (RM/kg) Sumber: KPDNHEP

Bersatu sanggup lepas jawatan PM pada UMNO

Oleh **ASLINDA NASIR**
aslinda.nasir@mediamulia.com.my

PETALING JAYA: Parti Pribumi Bersatu Malaysia (Bersatu) sanggup memberikan jawatan Perdana Menteri kepada UMNO demi kepentingan orang Melayu.

Bercakap kepada *Utusan Malaysia*, Ahli Majlis Pimpinan Tertinggi Bersatu, Datuk Rosol Wahid menyifatkan bukan jawatan yang dikejar parti itu termasuk Perdana Menteri ketika ini, Tan Sri Muhyiddin Yassin.

"Kita memang tak ada masalah, itu perkara kecil dan kita boleh bincang. Tan Sri Muhyiddin sendiri pun bukan jawatan yang beliau mahu. Sebab matlamat kita adalah perpaduan.

"Jawatan tak bawa ke mati pun, kalau gaduh sebab tak dapat jawatan, kalau merajuk sebab tak bagi jawatan Timbalan Perdana Menteri, niat itu

sendiri pun dah tak betul.

"Persoalannya, siapa Perdana Menteri UMNO yang kita boleh angkat? Kita Bersatu tak ada masalah nak beri jawatan Perdana Menteri pada UMNO pun, kita boleh bincang," katanya ketika dihubungi, semalam.

Dalam masa yang sama, Rosol turut mengingatkan UMNO supaya tidak terlalu yakin PN akan tumbang jika UMNO menarik sokongan daripada kerajaan tersebut.

Katanya, PN masih ada harapan untuk membuat penajaran politik baharu dengan parti-parti lain.

"Mana UMNO tahu kalau bulan Ogos ini mereka tarik sokongan kerajaan akan tumbang? Kita boleh bekerjasama dengan pihak lain, Warisan dan Pas yang masih bersama dengan kita, termasuk serpihan UMNO yang ingin bersama kita," katanya.

Perhimpunan Agung UMNO 2020 memutuskan untuk menamatkan kerjasama dengan PN

sehingga Ogos ini.

Ia sebagai persediaan menghadapi Pilihan Raya Umum (PRU) Ke-15 dan akan bertanding secara solo bersama rakan gabungan dalam Barisan Nasional (BN) iaitu MIC dan MCA.

ROSOL WAHID

